



Broj: 02-04-2048/26

Datum: 19.08.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 18. Pravilnika o javnim nabavkama u Općini Trnovo (broj: 02-04-74/23 od 11.01.2023. godine i 02-04-74-1/23 od 15.01.2024. godine), a na prijedlog Komisije za provođenje postupka javne nabavke broj: 02-04-2048/26 od 17.08.2026. godine, u postupku javne nabavke radova „Izgradnja javne rasvjete u Poslovno-sportskom centru Trnovo“, Općinski načelnik, po ovlaštenju Općinskog vijeća, donosi:

ODLUKU

o izboru najpovoljnijeg ponuđača za nabavku radova

Član 1.

Prihvata se prijedlog Komisije za provođenje postupka javne nabavke, broj: 02-04-2048/26 od 17.08.2026. godine, te se ugovor za javnu nabavku radova „Izgradnja javne rasvjete u Poslovno-sportskom centru Trnovo“ dodjeljuje ponuđaču: *NEXEN d.o.o. Banja Luka, Kozarska br. 24A, ponuda broj: NXN-322/26 od 10.08.2026. godine*, za ponuđenu cijenu u iznosu od 144.850,00 KM bez PDV-a, kao najpovoljnijem ponuđaču, nakon provedene e-aukcije.

Član 2.

Prijedlog ugovora o javnoj nabavci dostavit će se na potpis izabranom ponuđaču, na adresu: Kozarska br. 24A, 78000 Banja Luka, nakon isteka 15 dana od dana kada su svi ponuđači obaviješteni o izboru. Izabrani ponuđač je dužan da u roku od 7 (sedam) dana od dana prijema ove odluke dostavi dokaze o ispunjavanju uslova kvalificiranosti, ne starije od 3 (tri) mjeseca računajući od dana predaje ponude. U slučaju da izabrani ponuđač ne dostavi tražene dokaze u ostavljenom roku, ugovorni organ će postupiti u skladu sa članom 72. stav (3) tačka a) Zakona o javnim nabavkama.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici Općine Trnovo (www.trnovo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Nakon prethodno izvršenog ispitivanja tržišta, postupak javne nabavke radova „Izgradnja javne rasvjete u Poslovno-sportskom centru Trnovo“ pokrenut je Odlukom o pokretanju postupka javne nabavke broj: 02-04-2048/26 od 13.07.2026. godine.

Postupak javne nabavke proveden je putem otvorenog postupka, u skladu sa Zakonom o javnim nabavkama. Procijenjena vrijednost javne nabavke, bez uračunatog PDV-a, iznosila je 161.717,00 KM.

Tenderska dokumentacija i Obavještenje o nabavi broj: 886-1-3-43-3-34/26 objavljeni su na Portalu javnih nabavki dana 20.07.2026. godine, dok je sažetak Obavještenja objavljen u „Službenom glasniku BiH“, čime je osigurana potpuna transparentnost postupka i konkurencija među ponuđačima.

Rok za dostavljanje ponuda bio je 12.08.2026. godine do 09:00 sati, dok je javno otvaranje ponuda održano istog dana u 10:00 sati. Zapisnik o zaprimanju ponuda i Zapisnik sa otvaranja ponuda dostavljeni su ponuđačima na adrese navedene u njihovim ponudama, neposredno nakon javnog otvaranja ponuda.

Komisija za provođenje postupka javne nabavke je, nakon provedenog postupka otvaranja, pregleda i evaluacije ponuda, dostavila ugovornom organu Izvještaj o radu broj: 02-04-2048/26 od

17.08.2026. godine, dana 18.08.2026. godine, sa preporukom za donošenje odluke o izboru najpovoljnijeg ponuđača.

Uvidom u dostavljeni Izvještaj o radu Komisije za javnu nabavku i prateću dokumentaciju, utvrđeno je da je Komisija blagovremeno i pravilno izvršila otvaranje, pregled i ocjenu dostavljenih ponuda, o čemu su sačinjeni odgovarajući zapisnici, u skladu sa odredbama Zakona o javnim nabavkama i tenderskom dokumentacijom.

U predmetnom postupku javne nabavke zaprimljeno je ukupno 7 (sedam) ponuda, od kojih je svih 7 (sedam) ponuda zaprimljeno blagovremeno. Neblagovremeno zaprimljenih ponuda nije bilo.

Prilikom pregleda i evaluacije ponuda, Komisija je u ponudi ponuđača STEP d.o.o. Sarajevo, Halilovići br. 2, utvrdila računsku grešku u Obrascu za cijenu ponude – radovi (Aneks II), u stavci 12. Za količinu od 1.600,00 m i jediničnu cijenu od 6,50 KM iskazana je ukupna cijena u iznosu od 10.725,00 KM, umjesto pravilnog iznosa od 10.400,00 KM bez PDV-a.

S tim u vezi, Komisija je dana 13.08.2026. godine uputila ponuđaču STEP d.o.o. Sarajevo zahtjev za prihvatanje ispravke računске greške, u skladu sa članom 68. stav (4) tačka g) Zakona o javnim nabavkama, uz ostavljanje roka od dva dana za pisano izjašnjenje. U zahtjevu je navedeno da se ispravkom računске greške ne mijenjaju ponudena količina niti jedinična cijena.

Ponuđač STEP d.o.o. Sarajevo je dana 13.08.2026. godine, putem dopisa broj: 01-02-248-1/26, obavijestio ugovorni organ da prihvata ispravku računске greške. Nakon izvršene ispravke, ukupna vrijednost ponude ponuđača STEP d.o.o. Sarajevo iznosi 161.392,00 KM bez PDV-a, odnosno 188.828,64 KM sa PDV-om.

Nakon izvršene ispravke računске greške i provedenog pregleda i ocjene dostavljenih ponuda, Komisija je utvrdila da ponude ponuđača TESLALUKS d.o.o. Sarajevo, Braće Mulić br. 41, NEXEN d.o.o. Banja Luka, Kozarska br. 24A, STEP d.o.o. Sarajevo, Halilovići br. 2, i TUZEX d.o.o. Tuzla, Husinskih rudara br. 5-7, ispunjavaju zahtjeve utvrđene tenderskom dokumentacijom, te su ocijenjene kao prihvatljive.

Istovremeno, Komisija je utvrdila da ponude ponuđača SES d.o.o. Sarajevo, Bačići br. 11, Eding Telecom d.o.o. Sarajevo, Ivanjska br. 8, i 4E Group d.o.o. Sarajevo, Ramiza Salčina br. 91, ne ispunjavaju sve zahtjeve utvrđene tenderskom dokumentacijom, zbog čega su iste odbačene iz razloga navedenih u nastavku.

1. Ponuđač SES d.o.o. Sarajevo, Bačići br. 11

Ponuda ponuđača SES d.o.o. Sarajevo, Bačići br. 11, isključuje se iz daljeg postupka javne nabavke iz razloga što ponuđač nije dostavio odgovarajući dokaz o ispunjavanju uslova iz tačke 12.1. tenderske dokumentacije. Uvidom u ponudu broj 280/26, na strani 21, utvrđeno je da je ponuđač dostavio Potvrdu UniCredit Bank d.d., kojom se potvrđuje da ponuđač ima otvoren glavni račun, te da je isti aktivan i solventan.

Tačkom 12.1. tenderske dokumentacije, u skladu sa članom 47. Zakona o javnim nabavkama, propisano je da ponuđač mora dokazati da njegov račun nije bio u blokadi u posljednjih 6 mjeseci, što se dokazuje potvrdom poslovne banke kojom se navedena činjenica potvrđuje. Komisija je izvršenim uvidom utvrdila da dostavljena Potvrda UniCredit Bank d.d. ne potvrđuje činjenicu da račun ponuđača u posljednjih 6 mjeseci nije bio u blokadi, već samo potvrđuje da je račun u trenutku izdavanja potvrde aktivan i solventan. Samim tim, dostavljenim dokazom nije potvrđeno ispunjavanje uslova iz tačke 12.1. tenderske dokumentacije.

Imajući u vidu navedeno, Komisija konstatuje da ponuđač SES d.o.o. Sarajevo nije dostavio dokaz kojim bi, na način propisan tenderskom dokumentacijom, dokazao ispunjavanje zahtijevanog uslova.

Shodno članu 68. stav (1) i stav (4) tačka i) Zakona o javnim nabavkama, u vezi sa članom 2. stav (1) tačka l) podtačka 3) Zakona, Komisija konstatuje da predmetna ponuda nije sačinjena u skladu sa zahtjevima tenderske dokumentacije, odnosno da je nepravilna, te se ista odbacuje.

2. Ponuđač Eding Telecom d.o.o. Sarajevo, Ivanjska br. 8

Ponuda ponuđača Eding Telecom d.o.o. Sarajevo, Ivanjska br. 8, ne ispunjava zahtjeve utvrđene tenderskom dokumentacijom, kako u pogledu ponuđene cijene u odnosu na raspoloživa sredstva ugovornog organa, tako i u pogledu dokazivanja tehničke i profesionalne sposobnosti. Uvidom u ponudu

broj 08-329-PO-IZ/2026 od 12.08.2026. godine, na strani 8. – Obrazac za ponudu i strani 14. – Obrazac za cijenu ponude, utvrđeno je da ponudena cijena iznosi 281.416,00 KM bez PDV-a.

Tačkom 5.2. tenderske dokumentacije broj 02-04-2048/26 od 20.07.2026. godine utvrđena je procijenjena vrijednost predmetne nabavke u iznosu od 161.717,00 KM bez PDV-a, odnosno u okviru iznosa planiranih i obezbijedenih sredstava ugovornog organa za predmetnu nabavku.

Ponudena cijena ponuđača Eding Telecom d.o.o. Sarajevo iznosi 281.416,00 KM bez PDV-a, što je za 119.699,00 KM više od iznosa planiranih, odnosno obezbijedenih sredstava ugovornog organa.

Shodno članu 2. stav (1) tačka 1) podtačka 2) Zakona o javnim nabavkama, ponuda čija cijena prelazi planirana, odnosno osigurana novčana sredstva ugovornog organa smatra se neprihvatljivom.

Pored navedenog, Komisija je izvršila pregled dostavljenih dokaza o tehničkoj i profesionalnoj sposobnosti ponuđača, u skladu sa tačkom 12.2. tenderske dokumentacije.

Uvidom u ponudu, na strani 59, utvrđeno je da je ponuđač dostavio Potvrdu o realizovanom poslu od 09.10.2024. godine, broj: 23/97, izdatu od strane CENGIZ INSAAT SANAYI VE TICARET ANONIM SIRKETI – PODRUŽNICA ZENICA, kojom se potvrđuje realizacija posla od strane ponuđača u svojstvu podgovarača.

Tačkom 12.2. tenderske dokumentacije izričito je propisano da je ponuđač, pored spiska izvršenih ugovora, dužan dostaviti jednu potvrdu koju izdaje drugi ugovorni organ o uredno izvršenom ugovoru minimalne vrijednosti 100.000,00 KM bez PDV-a, koja se odnosi na poslove izgradnje, rekonstrukcije ili sanacije javne rasvjete.

Komisija je utvrdila da iz dostavljene dokumentacije ne proizlazi, niti je ponuđač dokazao, da CENGIZ INSAAT SANAYI VE TICARET ANONIM SIRKETI – PODRUŽNICA ZENICA ima status ugovornog organa u smislu člana 4. Zakona o javnim nabavkama. Slijedom navedenog, dostavljena potvrda ne ispunjava zahtjev iz tačke 12.2. tenderske dokumentacije, odnosno ne predstavlja potvrdu izdatu od drugog ugovornog organa, kako je to tenderskom dokumentacijom izričito zahtijevano.

Imajući u vidu navedeno, Komisija konstatuje da predmetna ponuda ne ispunjava zahtjeve tenderske dokumentacije, kako u pogledu ponudene cijene, koja prelazi planirana, odnosno obezbijedena sredstva ugovornog organa, tako i u pogledu dokazivanja tehničke i profesionalne sposobnosti.

Shodno članu 2. stav (1) tačka 1) podtačke 2) i 3), a u vezi sa članom 68. stav (4) tačka i) Zakona o javnim nabavkama, Komisija konstatuje da je predmetna ponuda neprihvatljiva i nepravilna, te se ista odbacuje.

3. Ponuđač 4E Group d.o.o. Sarajevo, Ramiza Salčina br. 91

Ponuda ponuđača 4E Group d.o.o. Sarajevo, Ramiza Salčina br. 91, ne ispunjava zahtjeve utvrđene tenderskom dokumentacijom u pogledu dokazivanja tehničke i profesionalne sposobnosti.

U postupku pregleda i ocjene ponude Komisija je izvršila uvid u dokumentaciju dostavljenu u svrhu dokazivanja tehničke i profesionalne sposobnosti iz tačke 12.2. tenderske dokumentacije.

Tačkom 12.2. tenderske dokumentacije propisano je da je ponuđač, pored spiska izvršenih ugovora, dužan dostaviti jednu potvrdu koju izdaje drugi ugovorni organ o uredno izvršenom ugovoru minimalne vrijednosti 100.000,00 KM bez PDV-a, koja se odnosi na poslove izgradnje, rekonstrukcije ili sanacije javne rasvjete.

Uvidom u ponudu broj 80/26, na strani 29, utvrđeno je da je ponuđač dostavio Potvrdu o uredno izvršenom ugovoru od 20.06.2024. godine, izdatu od strane VOLKSWAGEN SARAJEVO d.o.o.

Međutim, iz dostavljene dokumentacije ne proizlazi, niti je ponuđač dokazao, da navedeno privredno društvo ima status ugovornog organa u smislu člana 4. Zakona o javnim nabavkama BiH.

Slijedom navedenog, dostavljena potvrda ne predstavlja dokaz u formi izričito zahtijevanoj tačkom 12.2. tenderske dokumentacije, odnosno potvrdu izdatu od drugog ugovornog organa.

Kako ponuđač nije dostavio dokaz kojim bi na način propisan tenderskom dokumentacijom dokazao ispunjavanje uslova tehničke i profesionalne sposobnosti, Komisija konstatuje da predmetna ponuda nije sačinjena u skladu sa zahtjevima tenderske dokumentacije, odnosno da je nepravilna u smislu člana 2. stav (1) tačka 1) podtačka 3) Zakona o javnim nabavkama.

Shodno navedenom, a u skladu sa članom 68. stav (4) tačka i) Zakona o javnim nabavkama, ponuda ponuđača 4E Group d.o.o. Sarajevo odbacuje se kao nepravilna.

Komisija je izvršila detaljnu analizu i ocjenu kvalificiranosti ponuđača, kao i ocjenu ponuda u skladu sa uslovima i kriterijima propisanim tenderskom dokumentacijom. Ocjena ponuda izvršena je na osnovu kriterija najniže cijene, kao jedinog kriterija za dodjelu ugovora.

U cilju postizanja veće konkurentnosti i ekonomičnosti postupka, provedena je e-aukcija dana: 17.08.2026. godine, u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23).

Nakon uspješno okončane e-aukcije, utvrđena je konačna rang lista ponuđača, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1	NEXEN d.o.o. Banja Luka	144.850,00
2	TESLALUKS d.o.o. Sarajevo	144.999,00
3	TUZEX d.o.o. Tuzla	161.390,00
4	STEP d.o.o. Sarajevo	161.392,00

Postupajući po dostavljenom izvještaju Komisije, rukovodilac ugovornog organa izvršio je uvid u cjelokupnu dokumentaciju postupka i utvrdio da u radu Komisije nije bilo nepravilnosti niti propusta koji bi mogli uticati na zakonitost postupka, te da je Komisija postupala u svemu u skladu sa Zakonom o javnim nabavkama, podzakonskim aktima i tenderskom dokumentacijom.

Cijeneći sve navedeno, a posebno činjenicu da je ponuda „NEXEN“ d.o.o. nakon provedene e-aukcije rangirana kao najpovoljnija, donesena je odluka kao u dispozitivu.

Sastavni dio ove odluke je Zapisnik o pregledu i ocjeni ponuda.

POUKA O PRAVNOM LIJEKU


Protiv ove odluke može se izjaviti žalba u roku od 10 (deset) dana od dana prijema ove odluke.

Žalba se izjavljuje ugovornom organu u pisanoj formi, neposredno, putem pošte preporučenom pošiljkom ili elektronskim putem, u skladu sa Zakonom o javnim nabavkama.


Žalba se podnosi u dovoljnom broju primjeraka, a najmanje u 3 (tri) primjerka, kako bi mogla biti dostavljena izabranom ponuđaču i ostalim strankama u postupku.

U slučaju izjavljivanja žalbe, ugovorni organ će postupiti u skladu sa odredbama Zakona o javnim nabavkama Bosne i Hercegovine.

Izradio:
Kontrola:



Po ovlaštenju Odbora za izbor i ocjenu ponuda



Dostavljeno:

1. Ponuđačima
2. a/a

